

Apertura di eksposishon pa mucha 'Kòrsou Limpi' den museo Savonèt

Riba 8 di yùli, apertura di e eksposishon pa mucha 'Kòrsou Limpi' den museo Savonèt na Parke Christoffel, a tuma lugá. E eksposishon aki tabata posibel danki na Rotary Club of Curaçao, Prins Bernhard Cultuurfonds Caribisch Gebied i Fundashon Curaçao Clean up. E eksposishon permanente i interaktivo aki ta pone muchanan pensa tokante e problema di sushi riba nos isla, i tambe stimulá nan pa nan por bira heroenan di limpieza den nan bida diario huzando e prinsipianan di Rehuza, Redusi, Resikla i Rechasa.



V.l.n.r.: Pierrot Hurtado (voorzitter RCC), Maya Mathias (GreenKidz), Myrthe Verhulst (voorzitter Curaçao Clean Up), Ivonne Zegveld (GreenKidz), Halder Lam (voorzitter PBCCG)



Foto: Kim Hendriksen

V.l.n.r.: Cor Hameete (Carmabi Education), Shany Martinus (GMN), Ivonne Zegveld (GreenKidz), Maya Mathias (GreenKidz)

Kolaborashon fruktifero entre GreenKidz i Carmabi

E eksposishon 'Kòrsou Limpi' huntu ku su buki di lès i buki di tarea, a ser desaroyá dor di Green Kids Foundation. E eksposishon aki, ku kolaborashon di fundashon Carmabi, kual ta manehá parkenan natural tantu riba komo bou di awa na Kòrsou, ta haña un lugá permanente den museo Savonèt den Parke Christoffel. E eksposishon ta un ehèmpel bunita di un kolaborashon fruktifero entre GreenKidz Foundation i Carmabi ku den pasado huntu a lansa e programa di lès Coral Heroes pa enseñansa di fundeshi na Kòrsou.



Un kolaborashon pa konsientisá hunbentut di Kòrsou

Cor Hameete, kabes di edukashon di Carmabi i dosente, Carmabi i Green Kidz tin añanan largu ta traha progamanan di lès gratis tokante di naturalesa i temanan di medio ambiente. Ku e

eksposishon aki nos por alkansá miles di alumno kada aña, ku bou di guia di Carmabi lo bishitá Parke di Christoffel. Pa medio di e kolaborashon aki, nos ta ámplia nos forsa di bataya i nos ta utilizá optimalmente konosementu i fasilidatnan di otro. Banda di esei nos por mustra turistanan kon nos komo isla ta trahando na konsientisashon di nos hubentut. Mas i mas turistanan ta haña e parti ei importante!

Mas eksposishon i mas material di les pa Karibe Hulandes

E desaroyo di e eksposishon 'Kòrsou Limpi' i e buki di lès i buki di tarea por a wòrdu realisá dor di sosten di e sponsor prinsipal **Rotary Club of Curaçao i Prins Bernhard Cultuurfonds Caribisch Gebied**. E eksposishon ta parti di un programa di lès mas ámplio 'Plastic en Recyclen' ku por wòrdu bahá gratis for di internèt via www.greenkidz.org.

Kreadonan di GreenKidz Maya Mathias i Ivonne Zegveld ta spera ku e moveshon aki ta inspirá e otro islanan. Mathias: 'Lo ta tremendo si banda di e buki di lès 'Kòrsou Limpi' tambe por tin un buki di lès 'Boneiru Limpi' i 'Aruba Limpi' en kolaborashon ku e islanan aki!'

Pa mas informashon tokante e programa di les, manda un email na maya@greenkidz.org



Geïllustreerd door: Sander van Beusekom